



ՔԱՀԱՆԱՅԱԿԱՆ ԶԵՌՆԱԴՐՈՒԹՅՈՒՆ ԼԵՆԻՆԱԿԱՆԻ Ս. ԱՍՏՎԱԾԱԾԻՆ ԵԿԵՂԵՑՈՒՄ

Սույն թվականի հոկտեմբերի 29-ին Լենինականի Ս. Աստվածածին եկեղեցում քահանայական ձեռնադրություն է ստանում նույն

եկեղեցու սարկավագ Գրիգոր Հակոբյանը և վերանվանվում Տեր Թաթուլ քահանա:

Հոկտեմբերի 28-ին, շաբաթ օրը, երեկո-



Մի պահ ձեռնադրության արարողությունից

յան, հավարտ կիրականի ժամերգության, կատարվում է «Կոչումն քահանայության», ըստ Չեռնադրության Մաշտոցի, խարտավիկականությամբ Տ. Մյուռոն քահանա Աղամյանի:

Հետևյալ օրը, կիրակի, ի ժամ սուրբ պատարագի, Ըհրակի թեմի առաջնորդ Տ. Նարեկ եպիսկոպոս Ըաքարյանը կատարում է ձեռնադրության և օծման կարգը, ապա նորընծա քահանային տալիս իր հայրական օրհնությունը՝ մաղթելով նրան անսասան հավատք և հավատարմություն դեպի Հայաստանյայց Առաքելական Սուրբ Եկեղեցին, կոչումի գիտակցություն և անմնացորդ նվիրում դեպի իր սրբազան առաքելությունը՝ դառնալու համար Տիրոջ այգում «մշակ առանց անօթոյ»:

Տ. Թաթուլ քահանան ծնվել է 1945 թ. Պարսկաստանում, Իսպահանի շրջանի Հավարչիք գյուղում, որտեղ և ստացել է իր նախնական կրթությունը:

1968 թ. նա իր ծնողների հետ ներգաղթում է հայրենիք՝ Սովետական Հայաստան, և բնակություն հաստատում Լենինական քաղաքում: Այստեղ նա, իր ուսումը շարունակելով հանդերձ, կանոնավոր կերպով հաճախում է եկեղեցի և հետևում եկեղեցական ու ծխական արարողություններին: 1983 թ. նոյեմբերի 28-ին թեմի առաջնորդ Տ. Նարեկ եպիսկոպոսի ձեռամբ ստանում է սարկավագության աստիճան:

Նորընծա քահանա հայրը իր քառասունքըն անց է կացնելու Լենինականի Ս. Աստվածածին կամ Յոթվիրաց եկեղեցում:

